

Broj: 01-07-07/3-14-2-1027
Sarajevo, 29.12. 2017. godine

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14), u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14) i Odredbama Pravilnika o uslovima i načinu korištenja e - aukcije („Službeni glasnik BiH“ broj : 66/16), federalni ministar unutrašnjih poslova **d o n o s i**

ODLUKU

o dodjeli okvirnog sporazuma za nabavku usluge servisa i popravke vozila marke „VW“ u toku 2018. godine

I

Na osnovu čl. 64. stav (1) tačka b), 69. stav (1) tačka a), 70. i 89. Zakona o javnim nabavkama Bosne i Hercegovine („Službeni glasnik BiH“, broj 39/14) i na osnovu Odluke o pokretanju postupka nabavke usluge servisa i popravke vozila marke „VW“ u toku 2018. godine, putem Konkurentskog zahtjeva za dostavu ponuda, broj: 01-06-06/3-14-2-1250 od 29.09.2017. godine, dodjeljuje se okvirni sporazum za nabavku usluge servisa i popravke vozila marke „VW“ u toku 2018. godine.

II

Okvirni sporazum za nabavku usluge servisa i popravke vozila marke „VW“ u toku 2018. godine. dodjeljuje se ponuđaču „AUTODELTA“ d.o.o. Sarajevo, koji je dostavio ponudu sa najnižom cijenom u iznosu od 800,28 KM, sa popustom i PDV-om, koja ispunjava sve uslove predviđene Konkurentskim zahtjevom.

III

Obavezuje se Sektor za materijalno - finansijske poslove Federalnog ministarstva unutrašnjih poslova, da shodno Zakonu o javnim nabavkama BiH, pripremi sve potrebne akte za sklapanje Okvirnog sporazuma sa ponuđačem „AUTODELTA“ d.o.o. Sarajevo.

O b r a z l o ž e n j e

Komisija za provođenje postupaka nabavke svih roba, usluga i radova za 2018. godinu putem konkurentskog zahtjeva za potrebe Federalnog ministarstva unutrašnjih poslova - Federalnog ministarstva unutarnjih poslova, formirana Rješenjem federalnog ministra unutrašnjih poslova, broj: 01-07-07/3-14-2-1027 od 20.10. 2017. godine, provela je postupak po Konkurentskom zahtjevu za dostavu ponuda za nabavku usluge servisa i popravke vozila marke „VW“ u toku 2018. godine, objavljenom na Portalu javnih nabavki, Bosna i Hercegovina, 71 000 Sarajevo, M. Spahe 7. telefon (+387 33)-280-020, lokal 3100, fax(+387 33)-590-218, www.fmup.gov.ba



broj: 405-7-2-49-3-35/17 od 21.11.2017. godine i Ispravkom obavještenja o nabavci broj : 405-7-2-49-8-36/17 od 24.11.2017. godine. Tom prilikom izvršila je razmatranje, analizu i ocjenu blagovremeno prispjelih ponuda ponuđača: „ AC QUATRO d.o.o. Sarajevo sa ponuđenom cijenom u iznosu 1440,00 bez PDV-a, „BUNJO“ d.o.o. Sarajevo sa ponuđenom cijenom u iznosu od 1.250,00 KM bez PDV-a i „AUTODELTA“ d.o.o. Sarajevo sa ponuđenom cijenom bez PDV-a u iznosu 3.600,00 KM .

Nakon ispitivanja ponuda, Komisija je utvrdila da su ponude ponuđača „AC QUATRO“ d.o.o. Sarajevo i „AUTODELTA“ d.o.o. Sarajevo prihvatljive za Ugovorni organ jer sadrže sve elemente-dokumente tražene tenderskom dokumentacijom.

Ponuda ponuđača „BUNJO“ d.o.o. Sarajevo nije prihvatljiva iz razloga dostavljanja nepotpunih izjava vezanih za odjeljak c) tačka 4. Stav 1., stav 2. i stav 3. Izmjenjene tenderske dokumentacije

S obzirom da je Obavještenjem o nabavci broj : 405-7-2-49-3-35/17 i Ispravkom obavještenja o nabavci broj : 405-7-2-49-8-36/17 predviđeno korištenje e-aukcije, ista je zakazana za 22.12.2017. godine u 14,00 časova u skladu sa Odredbama Pravilnika o uslovima i načinu korištenja e-aukcije (Službeni glasnik BiH broj : 66/16.) Nakon obavljene e- aukcije konstatovano je da je ponuđač „AUTODELTA“ d.o.o. Sarajevo ponudio najnižu cijenu u iznosu 684,00 KM bez PDV-a (ukupna cijena sa PDV-om i popustom iznosi 800,28 KM), dok ponuđena cijena ponuđača „ AC QUATRO“ d.o.o. Sarajevo iznosi 700,00 KM bez PDV-a.

Komisija je uzela u obzir i tačku 5) Tenderske dokumentacije, koja se odnosi na primjenu preferencijalnog tretmana domaćeg.

Shodno navedenom a vođen Izvještajem o radu Komisije i preporukom o dodjeli Okvirnog sporazuma i budući da je jedini kriterij za dodjelu najniža cijena, Ugovorni organ je odlučio kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka.



Dostaviti:

1. Ponuđaču,
2. Sektoru za mat.-fin. poslove FMUP-a,
3. Kabinetu ministra - Odsjek za odnose sa javnošću
(za potrebe objave na internetskoj strani FMUP-a – Ugovornog organa),
4. U spis,
5. a/a.